



COMISIYNYDD YR HEDDLU A THROSEDDU A'R PRIF GWNSTABL
HEDDLU DE CYMRU
DATGANIAD CRYNO O GYFRIFON
2021-22

DATGANIAD Y PRIF SWYDDOG ARIANNOL I COMISIYNYDD

CYFLWYNIAD

Mae Datganiad Cryno o Gyfrifon 2021-22 yn nodi prif weithgarwch refeniw a chyfalaf y flwyddyn ar gyfer Heddlu De Cymru. Nid yw'r gwariant refeniw yn cynnwys trafodiadau penodol sy'n ymwneud â Safonau Adrodd Ariannol Rhyngwladol (IFRS), er mwyn symleiddio'r broses o gyflwyno'r cyfrifon. Nid yw'r trafodiadau hyn yn effeithio ar y trosglwyddiad i Gronfa'r Heddlu.

Y CYFRIF REFENIW

Cymeradwywyd cyllideb refeniw net o £327.9m ar gyfer 2021-22 ym mis Chwefror 2021 i ariannu ymrwymadau presennol o ran gwariant a blaenoriaethau'r Heddlu a nodwyd.

CRONFEYDD WRTH GEFN

Balans Cronfa'r Heddlu ar ddiwedd y flwyddyn ariannol oedd £10.3m sydd islaw'r lefel darged, sef £12.3m (3% o'r Gwariant Refeniw Gros). Fodd bynnag, roedd hyn yn cyfateb i gynnydd o £0.248m o gymharu â 2020-21 o ganlyniad i danwariant bach ar ddiwedd y flwyddyn. Cedwir £37.6m mewn cronfeydd wrth gefn wedi'u clustnodi at ddibenion refeniw a chyfalaf penodol.

CYLLID CYFALAF A BENTHYCA

Y gwariant cyfalaf ar gyfer y cyfnod oedd £30.2m a chafodd ei ariannu drwy fenthyciadau, cyfraniadau refeniw, derbyniadau cyfalaf a grantiau penodol. Gwariant cyfalaf yw arian a gaiff ei wario gan Heddlu De Cymru er mwyn prynu, uwchraddio a gwella asedau megis eiddo, cerbydau a

TGCh. Y gwahaniaeth rhyngddo a gwariant refeniw yw bod Heddlu De Cymru yn cael y budd o wariant cyfalaf ar asedau dros fwy na blwyddyn.

LLYWODRAETHU CORFFORAETHOL

Cyhoeddir Datganiad Llywodraethu Blynyddol ar y cyd ar gyfer y Comisiynydd a'r Prif Gwnstabl ochr yn ochr â'r Datganiad o Gyfrifon. Mae'r datganiad hwn yn nodi'r amgylchedd rheoli mewnol, yn gwneud sylwadau ar ei effeithiolrwydd ac yn nodi materion ar gyfer gwaith yn y dyfodol. Cyhoeddwyd canllawiau diwygiedig ar 'Delivering Good Governance' i Gyrff Plismona gan CIPFA ym mis Gorffennaf 2016, sydd wedi'u hategu gan ganllawiau CIPFA ar 'Application of the Good Governance Framework 2020-21', a gyhoeddwyd ym mis Chwefror 2021, mewn ymateb i effaith barhaus pandemig y Coronafeirws ar drefniadau llywodraethu. Mae'r Cyd-Ddatganiad Llywodraethu Blynyddol wedi'i lunio yn unol â'r canllawiau hyn.


Gellir dod o hyd i'r Datganiad o Gyfrifon cyhoeddedig llawn a barn Archwilydd Cyffredinol Archwilio Cymru ar y gwefannau canlynol:-

- ❖ Comisiynydd yr Heddlu a Throseddau
[Cyllid \(southwalescommissioner.org.uk\)](https://southwalescommissioner.org.uk)
- ❖ Prif Gwnstabl Heddlu De Cymru

[Datganiad Cyfrifon Blynyddol | Heddlu De Cymru \(south-wales.police.uk\)](https://southwales.police.uk)

AR BETH Y GWARIWYD YR ARIAN YN 2021-22

GWARIANT REFENIW



Dengys yr uchod fod cyflogau a chostau cysylltiedig ar gyfer Swyddogion a Staff yr Heddlu (£296.37m) yn cyfrif am 75% o'r gwariant gros, sef £394.6m. Mae enghreifftiau o wariant o fewn y £62.66m ar gyfer Cyflenwadau a Gwasanaethau a chostau eraill yn cynnwys Cyfathrebu a Chyfrifiadura (£11.6m), Taliadau i Heddluoedd Eraill (£7.8m), Taliadau Eraill i Drydydd Partïon (17.3m) a Chostau Ymchwiliol a Gweithredol (£5.9m). Hefyd, gwariwyd £15.43m i dalu costau cyllid cyfalaf sy'n cynnwys llog a dalwyd ar fenthyciadau, swm a neilltuwyd i ad-dalu'r prif swm a chyfraniad refeniw i gyllid cyfalaf.

Dangosir cost plismona yn Ne Cymru a'r cyllid ar gyfer 2021-22 a'r flwyddyn flaenorol isod (a gyflawnir at ddibenion monitro):


	2021-22 £m	2020-21 £m
Cyflogau a Phensiynau Swyddogion yr Heddlu	160.4	154.2
Cyflogau a Phensiynau Staff yr Heddlu	64.0	61.1
Cyllidebau Datganoledig	12.7	9.5
Cyllidebau'r Heddlu / Cyllidebau wrth Gefn	28.4	28.0
Cyllidebau Canoledig	14.1	12.8
Cyllidebau a Ariennir yn Allanol	35.8	26.5
Cyllidebau Cydweithredol	47.1	43.8
Cyllidebau Canolog	18.1	24.8
Swyddfa Comisiynydd yr Heddlu a Throseddu	13.7	12.9
Gwariant Gros	394.3	373.6
Llai Grantiau ac Incwm	(66.4)	(65.0)
Gwariant Net	327.9	308.6

Dengys y tabl isod sut yr ariannwyd Heddlu De Cymru yn y flwyddyn o gymharu â'r flwyddyn flaenorol.

	2021-22 £m	2020-21 £m
Incwm o'r Dreth Gyngor	(144.3)	(135.9)
Incwm o Ardrethi Annomestig (Llywodraeth Cymru)	(23.3)	(21.9)
Grant Cynnal Refeniw (Llywodraeth Cymru)	(52.7)	(53.9)
Grant yr Heddlu (y Swyddfa Gartref)	(107.6)	(96.9)
Cyfanswm Cyllid	(327.9)	(308.6)

AR BETH Y GWARIWYD YR ARIAN YN 2020-21

GWARIANT CYFALAF



Ariannwyd y gwariant cyfalaf o'r ffynonellau canlynol:

Sources of Funding	£m
Home Office Grant	0.26
Revenue Contributions	7.11
Other Grants and Contributions	0.15
Use of Capital Reserves	4.93
Capital Receipts	0.65
Borrowing	17.12
Total Funding	30.22

Mae'r gwariant cyfalaf yn cynnwys rhagor o gynnydd tuag at gwblhau Canolfan Dysgu a Datblygu'r Heddlu ym Mhencadlys yr Heddlu, rhaglen adnewyddu cerbydau a galluogwydd symudol ychwanegol ac mae ar y

trywydd cywir i gyflawni 'uchelgais y Person Cywir, yn y Lle Cywir, ar yr Adeg Gywir'.

Y FANTOLEN

Mae'r tabl isod yn crynhoi mantolen yr hyn y mae Heddlu De Cymru yn 'berchen arno' a'r hyn 'sy'n ddyledus ganddo' i eraill:


	2021-22 £m	2020-21 £m
Asedau Diriaethol (Eiddo, Cerbydau, Systemau Cyfrifiadurol a Chyfarpar)	193.8	172.4
Asedau Anniriaethol (Meddalwedd Gyfrifiadurol)	2.1	1.7
Stociau	1.9	1.4
Dyledwyr (Arian sy'n Ddyledus i Heddlu De Cymru)	43.0	36.2
Credydwyr (Arian sy'n Ddyledus gan Heddlu De Cymru)	(42.7)	(34.9)
Arian Parod a'r Hyn sy'n Cyfateb i Arian Parod	35.5	32.0
Darpariaethau	(3.6)	(3.8)
Benthyciadau Hirdymor	(32.6)	(23.8)
Llai Cronfeydd wrth Gefn Annefyddiadwy	(149.4)	(145.3)
Cyfanswm yr Asedau llai Rhwymedigaethau	48.0	35.9
Ariennir gan:		
Cronfeydd wrth Gefn Defnyddiadwy	(48.0)	(35.9)
	(48.0)	(35.9)

Mae Cronfeydd wrth Gefn Annefyddiadwy yn dal addasiadau technegol i'r cyfrifon, gan gynnwys addasiadau a wneir i asedau ar gyfer dibrisiant ac ailbrisiadau, ac nid ydynt yn gronfeydd wrth gefn a gefnogir gan arian parod.

BUDDSODDI A BENTHYCA

Ar 31 Mawrth 2022, roedd gan Heddlu De Cymru werth £38m o arian parod a'r hyn sy'n cyfateb i arian parod wedi'i ddal naill ai mewn Cyfrifon Galw neu Gronfeydd Marchnadoedd Ariannol.


Ar yr un dyddiad adrodd, roedd gwerth £34m o fenthyciadau gan y Bwrdd Benthyciadau Gwaith Cyhoeddus i'w had-dalu o hyd fel y dangosir isod (ystyrir bod £1.2m yn fenthyciad byrdymor) a oedd yn cynnwys benthyciad newydd o £10m a gymerwyd yn ystod y flwyddyn :-



Felly, sefyllfa gyffredinol y trysorlys ar ddiwedd y flwyddyn ariannol oedd gwerth £4m o fuddsoddiadau net.

EFFEITHLONRWYDD AC EFFEITHIOLRWYDD

O ganlyniad i'r ffaith nad yw cyllid grant canolog gan y Swyddfa Gartref yn cyd-fynd â chostau cynyddol a galwadau newidiol, bu'n rhaid gweithredu mesurau ariannol llym i fynd i'r afael â'r diffygion yn y gyllideb a datblygwyd Cynllun Gwerth am Arian cynhwysfawr sydd wedi sicrhau £56m o arian parod. rhyddhau arbedion hyd yma yn y meysydd canlynol:-



Mae Strategaeth Ariannol Tymor Canolig ddiweddaraf 2026, sy'n seiliedig ar adolygiad tair blynedd o wariant y Llywodraeth, yn rhagweld bwch ychwanegol yn y gyllideb dros y pedair blynedd nesaf o £10m, a thargedwyd £4.6m o arbedion yn ei erbyn yn ystod blwyddyn ariannol 2022-23.

CYFLAWNIADAU'R HEDDLU CYFAN YN 2021-22**Y Sefyllfa Alldro Derfynol**

Yr Alldro Refeniw ar gyfer 2021-22 yn erbyn cyllideb refeniw net o £328m oedd tanwariant o £176k. Alldro'r Rhaglen Gyfalaf ar gyfer 2021-22 oedd tanwariant o £0.02m. Cafodd y Datganiad Drafft o Gyfrifon a'r Datganiad Terfynol o Gyfrifon eu llunio a'u cyhoeddi yn unol â'r terfynau amser statudol yng Nghymru, sef 31 Mai. Fodd bynnag, oherwydd materion yn ymwneud ag adnoddau, cynhaliwyd archwiliad estynedig a llofnodwyd y Datganiad o Gyfrifon Terfynol gan yr Archwilydd Cyffredinol ar 29 Medi pan dderbyniwyd Barn Archwilio ddiamed.

Gwneud i Bob Cyswllt Gyfrif

Atebwyd 71.5% o alwadau 999 o fewn 10 eiliad, sydd islaw'r targed cenedlaethol. Yn gyffredinol, atebwyd 97.3% o alwadau 999. Atebwyd 78.9% o alwadau nad oeddent yn rhai brys.

Cydraddoldeb, Amrywiaeth a Hawliau Dynol


Mae Heddlu De Cymru wedi bod yn gweithio i wella hyder dioddefwyr troseddau casineb i roi gwybod am achosion, a chofnodwyd cynnydd o 26% yn nifer y troseddau casineb yn 2021-22 gyda 2,671 o droseddau casineb, o gymharu â 2,119 yn 2020-21.

Ansawdd y Gwasanaeth

Yn ystod 2021-22, cofnodwyd 93.3% o'r troseddau y rhoddwyd gwybod i Heddlu De Cymru amdanynt o fewn 24 awr. Cofnododd Heddlu De Cymru gyfradd canlyniadau cadarnhaol o 15.9% ar gyfer troseddu'n gyffredinol yn 2021-22, o gymharu â 22.4% yn 2020-21. Cofnododd Heddlu De Cymru leihad o 8% yn nifer y bwrgleriaethau yn 2021-22 gyda 4,318 o droseddau, o gymharu â 4,690 yn 2020-21.

Troseddau a Gofnodwyd

Oherwydd y cyfyngiadau cenedlaethol ar symudiadau'r cyhoedd a rheolau ynysu, roedd blwyddyn ariannol 2020-21 yn anarferol am i nifer y troseddau leihau o un mis i'r llall. Fodd bynnag, wrth i'r cyfyngiadau gael eu llacio, mae'r graff isod yn dangos bod lefelau troseddau misol wedi dechrau cynyddu ond nid i'r un lefelau a welwyd cyn COVID-19.



Cyfradd Canlyniadau Cadarnhaol yn ôl Grŵp Trosedd a Grŵp SYG

Mae'r siart hwn yn dangos perfformiad cymharol o ran cyfraddau canlyniadau cadarnhaol rhwng 2020-21 a 2021-22 gan ddefnyddio grwpiau troseddau'r Swyddfa Ystadegau Gwladol ac mae'n braf nodi'r gwelliant sylweddol sydd wedi'i wneud o ran mynd i'r afael â gweithgarwch meddiannu a masnachu cyffuriau ledled ardal yr heddlu. O safbwynt canlyniadau ym maes Lladdiadau, mae'r rhain yn tueddu i fod yn ymchwiliadau ac erlyniadau cymhleth sy'n aml yn rhychwantu blynyddoedd ariannol.



South Wales
Police and Crime Commission
Comisiynydd yr Heddlu a Throseddau
De Cymru

